



鹽法考卷之十八

廣西 本省所轄桂林平樂梧州禹貢荊州之
域南寧禹貢揚州之域餘皆古百粵地

歷代沿革

省不產鹽而有其法者二一為黔一為粵西乃黔之
稅止伍千餘兩而粵西之課則叁萬兩有奇且黔之
鹽或於川於淮於滇自至乎黔因其所至而稅之其
為事也不勞斯為法也較便粵西之鹽則鬻於西不
能不買之於東也糶於官不能不禁之於民也其中
權子毋操奇贏疆域攸分易鑿枘而莫鼓桴上下交



質始也愛力中也生奸後且重殉財而輕扞網則其
為法也尤難然粵西自漢立鹽官郡蒼梧已隸鹺籍
及宋與粵東之鹽悉屬漕司其以給諸州之歲用者
不可謂不饒矣茅東省之俗富可以通商西省之地
廣漠而彫瘁食鹽有限故鹽自東省出者有大水可
乘而無灘磧之阻隘鹽至自西省者廣城一帶界在
海濱水潮消長颶風不常加以府江灘磧一則徭獍
肆劫不時一則送江兵船需索是以廣西之鹽利多
不得與廣東比倫也建炎間鬻鈔未幾復止

建炎末
年淮浙

之商不通廣與閩之鈔法行未幾
淮浙之商既通而廣之鈔法遂廢然官搬客鈔屢有
更革東西兩漕屢有分合云紹興捌年詔廣西鹽歲
以十分為率二分令欽廉雷化州官鬻之餘捌分則

行鈔法孝宗乾道肆年又罷鹽鈔令廣西漕司自認
鈔錢貳拾萬其後再行鈔法而州縣間率以鈔抑售
於民害甚於官搬名曰足國實未常足名曰裕民實

未常裕故鈔法五弊趙伯遷所以歷陳

孝宗拾伍年
廣西提刑趙

伯遷奏本路鈔法五弊曰向者諫議之臣以官搬官
賣科斂百姓害及一路於是改行鈔法上以足國下
以裕民莫不以為便今陸年矣諸郡煎熬益甚民旅
困於科抑名曰足國實未常足名曰裕民實未常裕

臣常遍訪吏民向者官搬官賣之時廣西諸郡誠有
科斂百姓去處然不過產鹽地方所謂高化欽廉雷
五州是也海鄉鹽賤不肯買故有科抑如靖江鬱林
宜融柳象昭賀梧藤邕容橫貴潯濱近裏壹拾陸州
去鹽場遠若非官賣無從得鹽舊時逐州隨宜置舖
出賣民間食用欣然就買不待科抑自改行鈔法以
來近裏壹拾陸州徒損於官無補於民民食貴鹽又
遭科鹽鈔之苦沿海五州雖名賣鈔其舊賣貳分食
鹽原不曾禁載計戶科擾如故切謂今日之法正當
講究沿海五州利病杜絕科斂不當變近裏壹拾陸
州官搬官賣之法而強認破家朱希顏所以切指也不有二

臣民困其奚極哉

拾陸年運判朱希顏奏畧廣西鹽名曰客鈔原無客也自乾道間變

法富商失業無復客商矣今鈔以客為名乃強稅戶之家使之承認至於破家而止

元至元拾

壹年任粵西中書省也兒吉尼因紅巾入湘南嶺表

震動乃議建築城池遂捐俸於官貿易海鹽獲倍稱

之息而民不告勞粵西至今稱之明初粵省之鹽端以利民其後則以佐軍興洪武貳拾捌年用兵部尚

書唐鐸言命廣東二提舉司運鹽至廣西桂林以給

商人之入粟者於是粵東之鹽始達自粵西矣顧鹽

產於東而利獲於西其糶糴運行間調攝不生而欲

通行無阻也難矣唯是隆慶伍年粵西撫臣殷正茂

踵吉尼之法而增脩之

時茂以右僉都御史巡撫廣西議照吉尼當時脩城故事

官給資本每次買鹽百船到省堆卸限肆月往返一次共叁百船且條分有議法守明賞罰計工本造船

復限時日禁私販明職掌
謹始事諸畧俱明悉切時
萬曆貳年又添設提舉司

副提舉者二駐梧州輪次督運萬曆叁拾年按臣俾

慎又復加詳覈法益寢備其買鹽也歲為運者三鹽官

每歲分為頭起二起三四起三次轉運額該正官鹽

柒萬壹千肆百陸拾叁包每包除包藤叁斤走滴貳

斤實淨鹽壹百叁拾貳斤內割去餘鹽貳斤積成包

數共割斤鹽壹千玖拾玖包伍拾陸斤每官鹽壹千

包如火食而抵東則限以伍月發銀則請自藩司運

鹽叁包而抵東則限以伍月發銀則請自藩司運

布政司呈詳請發鹽政銀叁萬肆千以至蓆藤包絡

叁百壹拾玖兩零委官至東省買鹽以至蓆藤包絡

秤工牙稅引紙滴珠及扣解鹽包之銀俱有定額蓆

係水客原物每包美價陸厘每運例給秤子工食銀

壹拾壹兩肆錢陸分牙稅每包叁厘壹毫伍絲伍忽

肆微伍塵引紙銀每包柒厘叁毫滴珠銀每

包伍絲壹忽壹微扣解鹽包銀每包壹厘其運鹽

也每船領運則以軍旗每運差中右衛軍人給而船

過肇慶抵梧州至平樂俱稅之與商同肇慶府每包

肆厘梧州府每包例納軍餉銀陸分肆厘貳毫捌絲

伍忽柒微又牙用銀每包肆厘伍毫柒絲壹忽肆微

貳塵又船頭銀每包玖毫伍絲平樂府例納軍餉銀

每包壹分又船頭銀每包壹厘肆毫叁絲又平樂縣

船頭銀每包伍毫柒絲壹忽肆微水手水脚銀每官

鹽壹包自廣至梧叁分貳厘伍毫又官鹽叁百包許

水手帶鹽伍拾其行鹽也有正官鹽有割斤鹽有火

食鹽額共柒萬貳千柒百柒拾陸包分為肆股占賣
衡州占鹽壹萬捌千叁拾柒包永州占鹽貳萬
壹千玖百叁包寶慶占鹽貳萬叁千壹百玖拾
貳包省城全灌興靈占鹽玖千陸百肆拾肆包又有

水手自帶之引鹽每包納公費銀壹錢叁分伍厘其禁鹽也生熟者

有分境如買生鹽壹引由南韶納餉賣往江西南贛吉安由廣州納餉至廣西賣往衡永寶熟鹽

一由清遠連州星子白牛橋為界一由韶州賣往樂昌平石村為界一封川江口生熟鹽至富賀貳縣止

私販者有歧路一自東省三水路由清遠連韶樂昌等處可至寶慶武崗州衡州藍山臨

武永州道州寧遠一自封川江口由懷集賀縣昭平富川等處可至灌陽桂陽州徑抵衡永道州永明等

處以及糶糶者有配搭賣商有鹽鬻於買商不許買商私自往梧販賣致賣商若

累然賣者高價罪坐賣者買者見鹽不買罪坐買者俱條分而縷析皆西省之

良策也夫粵西鹽政首溯吉尼後祖其術而通變之

以可久者則殷但二臣之為功實多焉

司鹺官制

通省驛鹽道壹員

駐劄梧州府總理鹽法其梧府經收各廠稅餉責成該道管理稽核完欠

督銷鹽引官玖員

桂林府知府

平樂府知府

梧州府知府

潯州府知府

南寧府知府

太平府知府

柳州府知府

慶遠府知府

思恩府知府

巡緝私鹽官政員

桂林府鹽法同知

巡緝私鹽兼管
盤驗桂河鹽包

平樂府同知

梧州府同知

潯州府同知

南寧府同知

太平府通判

柳州府同知

慶遠府知府

思恩府同知

廣西引目

一廣西歲額行鹽肆千肆百玖拾壹引

查明季萬曆年間廣西梧州路歲食廣東鹽壹萬捌

千引行於本省各府并湖廣衡永寶三府銷售

本朝於康熙陸年將衡永寶三府仍改食淮鹽除去廣西

額引肆千伍百玖引康熙肆年該撫以粵西土瘠人

稀銷引缺額題減玖千引准以肆千肆百玖拾壹引

為經制每引行鹽拾肆包共計陸萬貳千捌百柒拾

肆包生鹽每包連包絡重壹百伍拾叁斤半熟鹽每

包連包絡重壹百肆拾叁斤半

正課額例

一廣西歲額引餉銀貳萬玖千捌百肆兩捌錢伍分肆

厘捌絲壹忽肆微伍纖貳塵叁埃叁渺陸漠計肆千肆百玖拾壹引派徵每引應徵銀陸兩陸錢叁分陸厘伍毫柒絲肆忽伍纖伍塵玖沙玖渺陸漠

康熙伍年廣西巡撫金光祖題稱查桂林府廠每年經過鹽包每包稅銀壹錢伍分又引餉銀柒分伍厘二項共銀貳錢貳分伍厘平樂府廠經過鹽包每包稅銀叁錢潯州府廠經過鹽包每包稅銀參分南寧府廠經過鹽包每包稅銀叁錢又慶遠府每年鹽稅銀肆百壹拾肆兩梧州府蒼藤二縣

鹽餉銀叁百貳拾兩以上各府鹽稅前因經制未定各廠隨運鹽之多寡抽收故無定額今經制已定奉部查各廠稅銀作何定額稽察查舊例鹽包入

梧輸餉之後聽鹽商轉運各府發賣到平則輸平樂之稅由平到桂則又輸桂林之稅到潯則輸潯州之稅由潯到南寧以及各府則又輸南寧之稅節節輸納不惟不便於商更恐易於隱漏今以桂平潯南等廠每年額占稅銀及額鹽均平分筭每引該銀伍兩叁錢伍分捌厘肆絲壹忽壹微伍纖

參塵玖沙玖渺陸漠又梧州府廠經過鹽包原例納
稅有生熟之不同今俱以生鹽筭每引納正餉玖錢
又盤割等五項銀參錢柒分捌厘零二共壹兩貳錢
柒分捌厘伍毫參絲貳忽玖微貳塵連各廠筭每引
共銀陸兩陸錢參分陸厘伍毫零總在梧州徵收東
省之引總在梧州彙繳於康熙拾壹年題歸驛鹽道
管理

一梧州府懷集縣歲額引餉銀陸百陸拾壹兩捌
錢

查懷集縣額引陸百道例銷東鹽不經梧廠惟在梧
另納準餉每引徵銀壹兩壹錢參厘共陸百陸拾壹
兩捌錢在廣西交納

一平樂府富川賀縣歲額鹽稅銀壹千柒百零捌兩壹
錢肆分

查二縣額引壹千肆百柒拾道向食東鹽除在廣東
交納引餉外自廣東運鹽到縣每引該鹽拾肆包每
包稅銀捌分參厘合筭每引該銀壹兩壹錢陸分貳
厘以壹千肆百柒拾引計之共該銀壹千柒百捌

兩零在廣西交納康熙玖年廣西巡撫金光祖題
准二縣丁少引多官民困苦每年原額引鹽應令二縣
招商設法疏銷十之六共應銷引捌百捌拾貳道計
鹽壹萬貳千叁百肆拾捌包尚有引伍百捌拾捌道
應令馬平橫州宣化武緣養利永康等屬代銷該鹽
捌千貳百叁拾貳包其課銀照舊例徵收先足該州
縣之額次及代銷富川賀縣之引俟富川賀縣戶口
殷繁仍照舊行銷

以上歲額課銀通共叁萬貳千壹百柒拾肆兩柒

錢玖分肆厘捌絲壹忽肆微伍纖貳塵叁埃叁渺
陸漠

額外雜課

一東省鹽包來梧廣東海鹽道給鹽旗壹面不論引之
多寡每旗納船頭銀貳兩原無定額年終將收過數
目造報

行鹽地方

巡撫題照州縣實在人丁數目派銷引鹽每丁歲派
鹽柒拾貳斤貳兩陸錢零

桂林府屬除永寧州原不編丁不派鹽包外各屬按新定經制每年共該行鹽貳萬零捌百肆拾壹包壹百貳拾柒斤叁兩肆錢內

臨桂縣

每年該行鹽捌千伍百貳拾包柒拾捌斤壹拾肆兩陸錢在梧州府盤驗納稅後由府江經平樂府盤驗由陽朔縣至桂林府經桂鹽廳盤驗本縣銷賣

靈川縣

每年該行鹽伍千柒百伍拾貳包伍拾捌斤零陸兩捌錢在梧州府盤驗納稅後由府江經平樂府盤驗由陽朔縣至桂林府經桂鹽廳盤驗運回本縣銷賣

興安縣

每年該行鹽壹千零貳拾叁包肆拾陸斤壹拾兩肆錢在梧州府盤驗納稅後由府江經平樂府盤驗由陽朔縣至桂林府經桂鹽廳盤驗自靈川運回本縣銷賣

陽朔縣

每年該行鹽壹千陸百貳包叁拾陸斤玖兩壹錢在梧州府盤驗納稅後由府江經平樂府盤驗運回本縣銷賣

永福縣

每年該行鹽肆百伍拾伍包零捌拾玖斤壹拾貳兩叁錢在梧州府盤驗納稅後由府江經平樂府盤驗由陽朔縣運回本縣銷賣

義寧縣

每年該行鹽壹千肆百叁拾伍包壹百肆拾叁斤捌兩肆錢在梧州府盤驗納稅後由府江經平樂府盤驗由陽朔縣運回本

縣銷賣

全州

每年該行鹽壹千貳百肆拾叁包壹百壹拾貳斤壹拾兩叁錢在梧州府盤驗納稅後由府江經平樂府盤驗由陽朔縣至桂林府經桂鹽廳盤驗自靈川興安運回本

州銷賣

灌陽縣

每年該行鹽捌百零捌包壹拾斤壹拾壹兩伍錢在梧州府盤驗納稅後由府江經平樂府盤驗由陽朔縣至桂林府經桂鹽廳盤驗自靈川與安全州轉河運回本縣銷賣

平樂府屬除富川賀縣向徑食東省引鹽外餘屬按新定經制每年共該行鹽貳千叁百貳拾捌包壹百叁

拾陸斤壹拾叁兩貳錢內

永安州

每年該行鹽肆百玖拾壹包柒拾斤壹拾肆兩肆錢在梧州府盤驗納稅後由梧江藤縣轉伍屯水口將木頭小艇逐包運回本州銷賣

平樂縣

每年該行鹽伍百伍拾陸包壹拾柒斤壹拾肆兩陸錢在梧州府盤驗納稅後由府江經本府

盤驗本縣銷賣

恭城縣

每年該行鹽叁百零肆包捌拾壹斤壹拾貳兩壹錢在梧州府盤驗納稅後由府江經本府盤驗由小河運回本縣銷賣

修仁縣

每年該行鹽壹百伍拾捌包柒拾壹斤壹拾叁兩叁錢在梧州府盤驗納稅後由府江經本府盤驗由荔浦小河運至青山岸口陸路運回本

縣銷賣

荔浦縣

每年該行鹽叁百柒包肆拾捌斤貳兩在梧州府盤驗納稅後由府江經本府盤驗由江口湖塘丹竹江運回本縣銷賣

昭平縣

每年該行鹽伍百壹拾包壹百肆拾陸斤柒兩捌錢在梧州府盤驗納稅後由府江運回本縣銷賣

梧州府屬除懷集縣並蒼梧縣東安一鄉另銷廣東埠引不計外餘屬按新定經制每年共該行鹽壹萬肆千肆百叁拾包柒拾叁斤陸兩內

蒼梧縣

每年該行鹽貳千叁百捌拾捌包肆兩柒錢在本府盤驗納稅後本縣銷賣

藤縣

每年該行鹽捌百玖拾壹包柒拾壹斤陸兩伍錢在本府盤驗納稅後由大江運回本縣銷

容縣

每年該行鹽捌百壹拾玖包玖拾捌斤壹拾肆兩壹錢在本府盤驗納稅後由大江至藤縣小河運回本縣銷賣

岑溪縣

每年該行鹽伍百陸拾貳包壹百肆拾玖斤壹拾肆兩陸錢在本府盤驗納稅後由大江至藤縣小河運回本縣銷賣

鬱林州

每年該行鹽貳千玖百柒拾陸包柒拾陸斤捌錢在本府盤驗納稅後由大江藤容二縣至北流起程陸路運回本州銷賣

博白縣

每年該行鹽壹千肆拾叁包捌斤叁兩伍錢在本府盤驗納稅後由大江藤容二縣至北流起程陸路挑運經鬱林回縣銷賣

北流縣

每年該行鹽壹千捌百柒拾壹包伍拾壹斤玖錢在本府盤驗納稅後由大江藤容二縣運回本縣銷賣

陸川縣

每年該行鹽壹千玖百玖拾玖包壹百叁拾伍斤捌兩柒錢在本府盤驗納稅後由大江藤容二縣至北流起程陸路運回本縣銷賣

興業縣

每年該行鹽壹千捌百柒拾柒包捌拾貳斤貳錢在本府盤驗納稅後由大江藤容二縣至北流起程陸路挑運經鬱林回縣銷賣

潯州府屬按新定經制每年共該行鹽肆千叁百玖拾陸包伍拾壹斤柒錢內

桂平縣

每年該行鹽壹千玖百伍拾陸包壹百壹拾玖斤壹拾叁兩貳錢在梧州府盤驗納稅後由梧

江藤縣平南經本府盤驗本縣銷賣

平南縣

每年該行鹽陸百捌包壹拾斤玖錢在梧州

府盤驗納稅後由梧江藤縣運回本縣銷賣

貴縣

每年該行鹽壹千捌百叁拾壹包柒拾壹斤貳

兩陸錢在梧州府盤驗納稅後由梧江藤縣平

南經本府盤驗自左江運回本縣銷賣

南寧府屬按新定經制每年共該行鹽捌千玖百叁拾包肆拾陸斤壹拾兩柒錢內

宣化縣

每年該行鹽叁千貳百捌拾包玖拾柒斤壹拾肆兩伍錢在梧州府盤驗納稅後由梧江藤縣平南經潯州府盤驗由左江貴縣橫州永淳經本府盤驗本縣銷賣

隆安縣

每年該行鹽伍百捌拾壹包玖拾斤壹拾貳兩陸錢在梧州府盤驗納稅後由梧江藤縣平南經潯州府盤驗由左江貴縣橫州永淳經本府盤驗運回本縣銷賣

橫州

每年該行鹽壹千壹百玖拾玖包壹百貳拾柒斤柒兩伍錢在梧州府盤驗納稅後由梧江藤縣平南經潯州府盤驗由左江貴縣運回本州銷賣

永淳縣

每年該行鹽壹千伍百參拾伍包壹百肆拾參
斤陸兩貳錢在梧州府盤驗納稅後由梧江藤
縣平南經潯州府盤驗由左江貴縣橫州運回
本縣銷賣

新寧州

每年該行鹽貳千捌拾壹包捌拾斤壹兩壹
錢在梧州府盤驗納稅後由梧江藤縣平南經
潯州府盤驗由左江貴縣橫州永淳經本府盤
驗運回本州銷賣

上思州

每年該行鹽貳百伍拾玖拾玖斤捌錢在梧
州府盤驗納稅後由梧江藤縣平南經潯州府
盤驗由左江貴縣橫州永淳經本府盤驗運回
本州銷賣

太平府屬除養利永康貳州原不編丁不派鹽包外各
屬按新定經制每年共該行鹽壹千捌百零壹包壹
百貳拾貳斤壹拾肆兩柒錢內
崇善縣

每年該行鹽伍百壹包伍拾伍斤伍兩在梧州府盤驗納稅後由梧江藤縣平南經潯州府盤驗由左江貴縣橫州永淳經南寧府盤驗又運回本府盤驗本縣銷賣

左州

每年該行鹽壹千叁百包陸拾柒斤玖兩柒錢在梧州府盤驗納稅後由梧江藤縣平南經潯州府盤驗由左江貴縣橫州永淳經南寧府盤驗運回本州銷賣

柳州府屬按新定經制每年共該行鹽伍千玖百肆拾捌包捌拾陸斤玖兩陸錢內

馬平縣

每年該行鹽壹百捌拾柒包叁拾伍斤壹錢在梧州府盤驗納稅後由梧江藤縣平南經潯州府盤驗由右江武宣象州經本府盤驗本縣銷賣

雒容縣

每年該行鹽柒拾肆包叁拾貳斤柒兩玖錢自

柳城縣

梧州府盤驗納稅後由梧江藤縣平南經潯州府盤驗由右江武宣象州運回本縣銷賣

每年該行鹽貳百貳拾柒包伍拾玖斤柒兩柒錢在梧州府盤驗納稅後由梧江藤縣平南經潯州府盤驗由右江武宣象州經本府盤驗運回本縣銷賣

羅城縣

每年該行鹽壹百玖拾肆包伍拾伍斤捌兩在

梧州府盤驗納稅後由梧江藤縣平南經潯州府盤驗由右江武宣象州經本府盤驗至柳城縣沙拱陸路運回本縣銷賣

融縣

每年該行鹽肆百柒拾叁包壹百叁拾肆斤玖兩壹錢在梧州府盤驗納稅後由梧江藤縣平南經潯州府盤驗由右江武宣象州經本府盤驗過柳城縣運回本縣銷賣

懷遠縣

每年該行鹽肆百玖拾柒包壹百肆拾貳斤壹拾肆兩捌錢在梧州府盤驗納稅後由梧江藤縣平南經潯州府盤驗由右江武宣象州經本府盤驗過柳城融縣運回本縣銷賣

來賓縣

每年該行鹽壹百柒拾伍包壹百斤伍兩捌錢在梧州府盤驗納稅後由梧江藤縣平南經潯州府盤驗由右江武宣小河運回本縣銷賣

象州

每年該行鹽壹千伍百參拾捌包壹拾捌斤貳兩貳錢在梧州府盤驗納稅後由梧江藤縣平南經潯州府盤驗由右江武宣運回本州銷賣

武宣縣

每年該行鹽叁百肆拾貳包壹拾斤壹拾貳兩柒錢在梧州府盤驗納稅後由梧江藤縣平南經潯州府盤驗由右江運回本縣銷賣

賓州

每年該行鹽壹千貳百壹拾柒包壹百參拾壹

斤壹拾伍兩玖錢在梧州府盤驗納稅後由梧州藤縣平南經潯州府盤驗由右江武宣至來賓小河到白沙岸陸路運回本州銷賣

遷江縣

每年該行鹽貳百貳拾壹包肆拾陸斤壹拾叁兩柒錢在梧州府盤驗納稅後由梧州藤縣平南經潯州府盤驗由右江武宣至來賓小河運回本縣銷賣

上林縣

每年該行鹽柒百玖拾捌包陸拾捌斤柒兩柒錢在梧州府盤驗納稅後由梧州藤縣平南經潯州府盤驗由右江武宣至來賓小河到白沙岸陸路運回本縣銷賣

慶遠府屬除荔波縣原不編丁未派鹽包外各屬按新定經制每年共該行鹽貳千壹拾陸包玖拾叁斤伍兩陸錢內

宜山縣

每年該行鹽柒百伍拾捌包叁拾伍斤伍兩在

梧州府盤驗納稅後由梧江藤縣平南經潯州府盤驗由右江武宣象州至柳河入小江經本府盤驗本縣銷賣

天河縣

每年該行鹽壹百壹拾肆包叁拾玖斤壹拾兩玖錢在梧州府盤驗納稅後由梧江藤縣平南經潯州府盤驗由右江武宣象州至柳河入小江經本府盤驗運回本縣銷賣

河池州

每年該行鹽肆百玖拾捌包柒拾斤貳兩叁錢在梧州府盤驗納稅後由梧江藤縣平南經潯州府盤驗由右江武宣象州至柳河入小江經本府盤驗由懷遠鎮陸路運回本州銷賣

思恩縣

每年該行鹽陸百肆拾伍包玖拾捌斤叁兩肆錢在梧州府盤驗納稅後由梧江藤縣平南經潯州府盤驗由右江武宣象州至柳河入小江經本府盤驗由懷遠鎮陸路運回本縣銷賣

思恩府屬除西隆西林貳州縣新奉以土改流原未編
丁從未設有鹽政止有

武緣壹屬按新定經制

每年該行鹽貳千壹百柒拾玖包壹拾貳斤壹
錢在梧州府盤驗納稅後由梧江藤縣平南經
潯州府盤驗由左江貴縣橫州永淳經南寧府
盤驗運回本縣銷賣

廣西事例

一順治拾叁年拾月廣西巡按御史張所養為敬陳鹽
法壅蔽之由題稱粵西地不產鹽惟仰給於東省而
粵西行鹽之地復不廣止藉於湖南之衡永寶三府
前朝動支協濟司庫銀兩買鹽而配搭官商發賣歲
獲利銀貳萬貳千餘兩以佐餉用今協濟已無官鹽
遷難議復但使商販流通則桂平梧三府之稅尚可
補軍需於萬一無奈冊商以逆變而遠颺奸徒多岐
路而私販術求寶向食西鹽之地淮鹽又乘而越售

以致西鹽價重而反壅淮鹽價輕而愈疏故引積而難銷稅微而餉絀不特西粵受困而東粵亦因之受累也為今之計惟有嚴禁淮鹽之越境則鹽法可漸見疏通矣蓋淮鹽自儀真而抵衛永寶也皆長江大河舟楫易於為力非如西鹽之灘峽陡淺運載艱難且商人覓利孰肯舍易而圖難唯往例嚴東鹽不得過湖湖商不得過東之禁所以畏法執遵經久無敝茲淮鹽攙越大行粵西鹽法壅滯乞

勅湖南撫道諸臣嚴禁奸商越境撓制違者沒其鹽而治

以罪仍令湖商循例入冊納餉赴西領買運回發賣則行鹽之地界既清而旁覲之私營自絕矣又稱粵西地瘠民貧額賦無多入不供出故前朝將衛永寶三府行食西鹽以補其詘又因東省協濟西省餉銀辦解愆期遂以鹽準銀設立官運所由起也茲廣東鹽法道林雲京以散折引壹萬捌千道不能如例銷之於西而官運復乏本循舉遂議衛永寶改食東鹽殊不知引目難銷之故非盡廣西之官運不復及西鹽之紆遠難前所致蓋由衛永寶三府連年皆食淮

鹽西鹽不通而東引坐壘臣前疏言之悉矣今抒一
得之愚為兩利之術查往例西省行鹽規則東省召
商領引買鹽運西候湖商之轉買湖商領引止赴西
省行買東商之貯醴是以有東商不得過湖湖商
不得過東之禁東湖兩商售販其間經過之桂平梧
三府按包而稅乃以自然之利供不給之需此前人
立法之美意也今惟衡永寶攬食淮鹽以致湖商罕
至東商却武而引目不疏為今之計首在於禁衡永
寶之淮鹽攬越一在於東省之召復東商運鹽於桂
林一在於湖南之召復湖商行鹽於衡永寶則鹽界
既清行鹽自廣不待官運之復而壹萬捌千之引目
可通矣臣部以衡永寶三府行鹽之事應行兩廣撫
按并兩淮鹽臣公同議奏以便酌覆續據兩淮鹽臣
白尚登疏稱查行鹽銷引各有地方越界混行即係
私販楚省之衡永等府自明朝成化年間歸粵江西
之南贛吉三府嘉靖年間因兩廣用兵缺餉議銷廣
鹽以佐軍需遵行百餘年矣今西按題疏以衡永寶
三府嚴禁越境混行但查衡永南贛吉五府既經久

已歸粵而淮鹽運銷口岸從未派及彼地歷來冊籍
可稽今稱半食淮鹽蓋因江楚銷鹽之官覺察不嚴
或有彼處奸輩影射私販應飭行江楚銷鹽衙門嚴
禁以後不得越界混行衛永等府照舊盡銷粵鹽其
淮鹽止銷派定淮地庶疆界獲清而成例不紊矣又
據廣西巡撫于時躍會同總督王國光廣東巡撫李
棲鳳題稱粵西地不產鹽惟轉運於東省由梧州桂
林出全入楚行於永寶二府屬及衡州府之衡山縣
此明嘉隆年間舊制行之百有餘載向因粵地寇亂
遂致淮鹽越售今所通者惟東安一縣銷食無幾引
課日虧東西並困蓋由此耳據道廳僉議首清界限
將衛永寶屬仍照往例盡食粵鹽其淮鹽不許越境
私販並請

勅沅撫嚴飭該地方官照聽節制載入考成行鹽地面既
廣引目自銷况淮鹽久不銷於衛永寶屬業經鹽臣
查明題覆今之越境售賣者悉皆奸商積棍射利私
販無益於淮有損於粵不亦彰明較著哉臣部覆
准查粵淮鹽法既經督撫按鹽諸臣酌議妥確應照原題

仍行粵鹽其兩淮越境私販嚴為禁止

一順治拾伍年貳月廣東巡按御史趙之麟為敬陳鹽政壅滯之由題稱議改之行先嚴鹽界鹽界既正則引日不滯江西之南贛吉湖廣之衡永寶向皆粵省行鹽之地通因各路梗阻私鹽夾帶官引不行課餉日絀此前按臣所以敬陳鹽政壅滯之由廣西按臣亦有謹陳鹽法壅蔽之請道臣又有遵

諭陳言之奏致奉有粵東粵西撫按并兩淮鹽臣公同確議具奏之

旨茲兩淮鹽臣回奏五府不食淮鹽已久粵西撫臣會疏衡永寶仍照往例食粵西鹽部覆粵淮鹽法既經督撫按鹽諸臣酌議妥確應照原題仍行粵鹽其兩淮越境私販嚴行禁止奉

旨遵行惟是鹽界既明官運宜復臣查楚省衡永寶三府舊例粵西出給鹽本兌買東鹽運往彼處發賣所藉鹽利用佐軍需隨因西省以解納鹽本不便又議在粵東協濟梧鎮兵餉抵兌鹽本每年兩運共官鹽柒萬壹千肆百陸拾叁包俱從東省水客場買鹽回抽

納備應茲因鹽客稀少難盈舊額議以每年一運隨
鹽多寡比照時價抵筭俟客商轉集照額足運但粵
西之鹽本今東省協梧之餉既裁留本省兵餉則鹽
本應還問之西省循例措辦買運發賣庶不致有楚
界之名而無行鹽之實不然淮鹽既禁官運不行止
此寥寥商兌將必粵鹽之價數倍於淮鹽三府之民
又安能禁其不通私販乎此鹽界既明官運所宜亟
復也至南贛吉三府連年該銷引壹萬捌千道前道
臣林雲京條議責令三府州縣按年完銷聽贛撫照

例考成此就近督銷則引目不滯責任有專則禁私
益力誠為有裨臣部覆議東省抵兌之餉銀既留本
省則粵西鹽本應出何項至於每年兩運改為一運
事屬創始

國計所關未便更張仍照舊每年兩運至於應用鹽本
請

勅廣東巡按會同廣西撫按酌議具奏隨據廣西按臣田
昇龍題稱粵西鹽本今非昔比其中萬難而不能行
者有三一曰食鹽不能足額夫衡永寶桂四府擾亂

既久人民逃亡殆盡若責之每歲仍食米萬壹千肆
百餘包之官鹽此必不可得之數也况別省承平之
地尚以錢糧之荒熟酌派鹽引之多寡楚粵何地而
能如額以食之乎此其必不能行者一也二曰鹽本
不能措辦夫鹽本原出廣東協濟梧州之餉銀今梧
餉已留本省鹽本問之粵西不知廣西一切兵餉全
憑外省協濟東省鹽價騰貴較之昔日高至三四倍
其間打造船隻水手工食非數拾萬金不可從何措
處此其必不能行者二也三曰水手無人可僉查明

季舊規派桂林府屬州縣殷實大戶赴東省領運如
遇沿途失風及灘石損壞等項即令本人賠補今府
屬州縣所存二三千遺皆鵝面鳩形鷄衣百結不惟
民不能承運即官亦不敢令此輩走險此其必不能
行者三也為今之計不若以桂林見在之散商聽其
自備鹽本運赴桂林仍嚴責湖南三府赴桂林運食
查舊例粵西官運東鹽柒萬貳千包而粵東水客亦
運柒萬貳千包總共拾肆萬肆千包以供湖南衡永
寶三府與桂林之興靈全灌之日食今大要招狹諸

商不論資本之輕重列名入冊盡令買運於東省以聽楚商之轉運臣稽見在之商數已湊肆萬餘包倘粵東再以水客交益之而楚運界限庶乎不致博虛名而鮮實際也若夫按數銷包以衛永寶三府為三股桂林為一股仍照地方之大小派鹽數之多寡撥行湖南各道府轉行各該州縣星速招商費本赴粵領運除上湖南道督催衛永商人先後領運外其實慶一府抗延猶如克耳公而忘私之義臣不知何謂也臣部議覆粵西地方自開復以來行鹽已久至今

始稱鹽本無措現在招商領運則已前鹽斤係何人運行課銀從何而徵至於衛永寶三府已經題定照舊例食粵西之鹽其實慶一府係何人抗延不遵請

勅粵西按臣速查奏報續據按臣李秀疏稱查當日粵西領運東鹽轉售湖南三府者本給官銀載給官船招股實之商領本買運名為官商生利裕餉此舊日之鹽法章程也及今粵西歷遭兵燹庫無餘餉剩皆殘黎官本殷實均不可問惟藉四方流商湊集行運本係商本利為商得惟抽收鹽稅以佐軍需但恐流商

終非定局慮其有利則趨無利則散所以前按臣意
欲用上著以專責成故有現在招商領運等語也然
究竟不能出帑藏以給本擇殷實而立商可議而不
能行在今日惟有仍用流商以資

國計之為便耳此今日行鹽之始末也其徵收課銀因
粵西原無引目按包抽稅以佐兵餉計湖南三府每
年運食粵鹽共肆萬貳千包每包納稅柒分伍厘每
年共該額銀叁千壹百伍拾兩此成數也至於運有
溢額稅自多收按年收貯以聽部文撥充兵餉又安

敢擅便動用以蹈違悖之咎哉至於抗延不遵者案
查前按臣牌行湖南改食粵鹽之時衡永寶三府惟
寶慶一郡連詳請行仍食淮鹽不即報商領運以致
粵鹽益為壅滯又據永州府詳報新田縣應該行鹽
叁百包借口舟楫不通至今巧卸不認此又不可不
設立考成以示懲勸臣部覆

准查四方流商行運恐其去來無定該御史自當酌定殷
實者充商運行其徵收課銀據疏稱粵西原無引目
惟按包抽稅應當照例領引徵課但廣西初定往返

領引為艱相應暫如該御史所議按包抽稅俟地方
大定之日照例領引

一順治拾陸年正月偏沅巡撫袁廓宇為地方新定請
議鹽課以紓民力題稱湖南舊食粵鹽者衡永寶三
府其衡永二府稍在腹裏自應遵照舊例通行其實
慶一府明朝舊例原為淮安行鹽處所至嘉靖中改
食粵鹽至肆拾年題准仍食淮鹽萬曆初年復食南
鹽至經兵燹粵鹽阻絕仍食淮鹽蓋以邵民而越桂
林往粵東買鹽以濟食用水多灘險陸又紆遠固不

能應朝夕之需今粵西按臣提寶慶鹽商以佐粵課
目下未見商人辦一鹽而借端騙害指稱湊本或以
遠年賣出之田而告找價或以久荒之田而高價勒
買受害不止一家怨恫何啻百口况邵陽新化二縣
每年正額解部及充兵餉止貳萬零武岡新寧城步
以新經開復一切錢糧尚在停免今欲責之輸貳萬
壹千伍百零之鹽課必萬萬不能矣請言其不可行
者三一難按籍而求舊商也前朝舊例寶屬僉商赴
粵領鹽共額課銀貳萬壹千伍百陸拾玖兩零今舊

商類多人亡產盡即有一二田業荒蕪謀生不贍安
望其挾重貨走千餘里之外踰越險阻掣引行鹽乎
自經粵西提解樸者奔走道途饑寒不保黠者藉口
鹽本告板株連坐令無辜之人飽於奸腹禁止則以
國課為名不禁則鄉愚胥受橫害此不可行者一也一
難指殷實而報新商也上檄嚴催舊商既少勢必僉
報殷戶以充新商自重兵駐寶供億株求百倍他郡
正賦壹分雜差恒至數拾每至賣妻鬻子寧復有幾
殷戶一經僉報蠹胥奸差上下其手賣富報貧為害

不可勝言者聞此必多逃遁人亡土荒不惟無益粵
課而反致虧正賦矣此必不可行者二也一難責其
遠食重價之鹽也督催之極勉運幾千來寶勢必極
貴淮鹽至寶每包捌斤肆兩貴不過貳錢有奇賤不
過壹錢伍陸分粵鹽道更水陸本價每斤須伍陸分
而又不可速得鹽為朝夕必需南鹽既貴勢必潛食
淮鹽欲不禁草粵鹽又不可行欲禁淮鹽粵鹽又不
足用今官與民如一身也必責其食遠而價重者禁
其食便而價輕者此必不可行者三也惟乞

念寶屬初復殘疆時下從權暫食淮鹽俟二三年間生聚
漸廣田地漸闢稍定之後一遵舊例改食粵鹽臣部
覆

准查行鹽各有疆界鹽課各有徵收無容紊亂其衡永二
府既食粵鹽則寶慶何得獨異不必另議其衡永寶
三府歲計行鹽若干得課若干造冊奏報以憑查核
續據該撫題稱寶慶一府已經行令該府招商辦本
遵例緊食粵鹽其衡永寶三府鹽課明季舊額歲行
陸萬貳千肆百柒拾包近以地方荒殘官運公本無

措每歲議派肆萬貳千包共得課銀叁千壹百伍拾
兩臣部議得三府行鹽比舊額缺少貳萬餘包查地
方久已大定自應設法加增以足歲額至於每包納
稅柒分伍厘其每包不知行鹽若干斤曾否行引並
未說明仍請

勅該撫會同廣西撫按查明去後今據該撫按會題前來
臣部覆

准查衡永寶三府歲行鹽包各照原額一一認納共足舊
額陸萬貳千肆百柒拾包共歲額課銀肆千陸百捌

拾伍兩貳錢伍分已符原額之數相應准其運行
一順治拾柒年拾貳月廣西巡撫于時躍會同廣東撫
臣董應魁題稱粵西富賀地方立埠賣鹽向因營棍
奸商高價貧民奉

旨禁革嚴行申飭惟期招商貿易以剔夙弊詎意復有錢
鳴珂等借稱民商冒赴廣東鹽道呈准拆引運鹽貳
千捌百包陸續盤至富賀一帶踞埠牟利雖經廣東
按臣嚴行查撤而鹽包封貯富賀二縣勿論其為營
商民商而違禁之罪不能寬假臣部覆

准查營棍借鹽專利高價病民業經奉

旨禁革今既稱錢鳴珂等借稱民商赴廣東鹽法道納餉
拆引雖非營商其踞埠牟利違禁之罪何辭應如該
撫所請將所封見貯鹽壹千柒百玖拾玖包零照依
時估每包變價若干報部充餉仍行該撫嚴行究擬
違禁之罪具報刑部

一順治拾捌年柒月偏沅巡撫袁廓宇為地方新定請
議鹽課以裕

國計題稱奉戶部行查楚商行運粵鹽歷來未領引日

本朝從無給票行鹽之例或係廣東先給引日至桂林復給引票或原未領引而止憑桂林給票行鹽尚未分晰明白請

勅臣會同粵西撫按查明具題臣等會查得湖商向無往東運鹽之例係東商在東省折引買運至梧州繳引由平樂至桂林而桂林據平樂印票投報納稅聽湖商赴買復於桂林給發引票開載數目每包納餉柒分伍厘運回三府所屬發賣行之已久宜仍其舊若本朝從無給票行鹽之例必應仰遵

新制聽部議定奪臣部覆查該撫前疏云粵西與湖南三府食鹽俱各商自備鹽本往東省買運抵西省鹽每包重壹百柒拾斤今又稱湖商向無往東運鹽之例前後兩疏自相矛盾且鹽法考內並無桂林給票納稅字樣惟載衡永寶三府商人所買正鹽柒萬壹千肆百陸拾叁包今疏稱三府原額鹽止陸萬貳千肆百柒拾包較之鹽法考尚欠捌千玖百玖拾叁包又查前廣西按臣田昇龍疏稱向例粵西官運東鹽柒萬貳千包粵東水客亦運柒萬貳千包以供湖南三

府與桂林之興靈全灌之日食等語查前後數目相
去過半臣部俱無從查議應再

勅該撫會同兩粵撫臣將衡永寶三府并廣西各府明時
某府原額行引若干每引若干包每包納稅餉各若
干每包壹百柒拾斤是否舊例今應否請領部發票
引行鹽并将一切行鹽規則查明會題不得參差於

康熙元年肆月續據沅撫周召南疏稱查得粵西行
鹽舊例衡永寶桂四府額銷官鹽柒萬壹千肆百陸
拾叁包加割斤火食鹽壹千叁百壹拾叁包共柒萬

貳千柒百柒拾陸包內衡州府壹萬捌千叁拾柒包
永州府貳萬壹千玖百零叁包寶慶府貳萬叁千壹
百玖拾貳包桂林府玖千陸百肆拾肆包自明季鹽

本在於粵西藩司詳請兩院移咨督院行東省鹽道
轉發差官運回西省每包重壹百叁拾柒斤四府冊
商照納正價銀捌錢外加利銀叁錢貳厘派分領運
如商鹽東商運至西省每包重貳百零捌斤納餉壹
分柒厘聽湖商領運官鹽按包配搭乃明季行鹽之
例也今

本朝定例因公帑匱乏官運未能舉行凡運到粵西鹽包俱沉寓之商自備資本往東省零星買運每包重壹百柒拾斤納稅銀壹錢伍分仍聽四府冊商買運回彼發賣赴桂林府給發引票繳司掛號發鹽廳給商每包納餉銀柒分伍厘按月解赴左司貯庫至於四府銷其正額之鹽今配搭久廢湖商止在桂林接買亦無往東之例至部駁三府原額鹽陸萬貳千餘包因桂林玖千餘包未載故與鹽考之數不符今以衡永寶桂四府計之共該柒萬貳千有奇正與鹽考額

數相符若應否頒給引票聽部議酌奪臣部覆查該撫前疏內稱衡永寶三府行鹽陸萬貳千肆百柒拾包比鹽法考所載柒萬壹千肆百陸拾叁包少鹽捌千玖百玖拾叁包今稱桂林一府有應行鹽玖千陸百肆拾肆包未經算入合筭則又多鹽陸百伍拾壹包此外割斤等鹽壹千叁百壹拾叁包鹽法考內亦所未載再查廣西前按臣田昇龍疏稱向有粵西官運東鹽柒萬貳千包粵東水客亦運商鹽柒萬貳千包以供湖南三府與桂林之興靈全灌等語今稱官

運一項因公帑匱乏從未舉行官運而商運之鹽自
應加倍果否止此柒萬有餘之數其廣西興靈全灌
等處有無商鹽尚未詳明至桂林給票收餉等項臣
部先經行查或係廣東先給引日到桂林給票或原
未領引而止憑桂林給票行鹽今止稱應否給票應
聽部議其曾否領有引日亦未說明應請

勅該撫再行詳查會同具題以憑一併查議又於本年拾
貳月據該撫會查題覆湖南衡永寶三屬與桂林一
府故明舊例照食粵鹽每歲額銷官鹽柒萬壹千肆

百陸拾叁包查鹽法考書此係官運之額更有割斤
鹽壹千玖拾玖包零伍拾陸斤火食鹽貳百壹拾肆
包零伍拾肆斤此係鹽政抄內載明分計之衡州連
割斤火食鹽壹萬捌千叁拾柒包永州連割斤火食
鹽貳萬壹千玖百零叁包寶慶連割斤火食鹽貳萬
叁千壹百玖拾貳包桂林連割斤火食鹽玖千陸百
肆拾肆包共行鹽柒萬貳千柒百柒拾陸包搭配商
鹽亦柒萬貳千柒百柒拾陸包湖南三屬原報陸萬
貳千肆百柒拾包乃未入割斤火食鹽數故與鹽法

考抄之數互異也其興靈全灌四屬即係桂林所轄
赴府買運即在桂額玖千陸百肆拾肆包之內其桂
林輸餉給票原係東高從粵東買鹽即從粵東給引
運至梧州繳銷原引每鹽壹包納稅壹錢另給梧州
府票至平樂繳銷納稅叁錢另給平樂府票至桂林
繳銷納稅壹錢伍分其湖商至桂接買與桂商買運
興靈等處復每包納稅銀柒分伍厘另給桂林府票
此桂林輸餉給票之由亦載鹽政考抄書內原無未
領引日止憑桂林給票行鹽之事再查四府行鹽總

額鹽法考所載柒萬壹千肆百陸拾叁包係存內部
正額而粵西行鹽所定鹽政抄則正額之外更有每
包割斤貳斤每千包火食叁包共鹽壹千叁百壹拾
叁包則實行鹽柒萬貳千柒百柒拾陸包也內衡永
寶三府各占一股共計陸萬叁千壹百叁拾貳包桂
林一股占鹽玖千陸百肆拾肆包則總計柒萬貳千
柒百柒拾陸包與粵省行鹽加割斤火食之數相符
即與內部鹽法考所載未加割斤火食之柒萬壹千
肆百陸拾叁包數目亦相符矣至於粵楚兵燹之餘

官運未舉即商鹽亦止照柒萬有餘之數銷行猶恐
銷不及額所以未有加倍或俟生齒繁盛之日再議
興舉臣部覆

准粵西行鹽額數既經該撫查明相應准其為額俟戶口
繁盛之日再議加增至於粵東既給有引日至梧州
繳引給票不必再議

一順治拾捌年玖月兩淮巡鹽御史胡文學為裕課必
在既壅仰祈

勅部確議以濟軍需題稱湖南衡永寶三府願食淮鹽詳
請再四今又據湖廣驛鹽道具詳備呈寶慶等府極
苦極困之地行食粵鹽上無利於

國家下有害於小民三年銷引尚未及半且係砂土又
阻山嶺惟恃肩運為害無窮不若仍食淮鹽一轉移
間兵餉無虧商民兩利臣部覆查前鹽臣白尚登既
稱衡永二府地勢便於兩廣行之已久難以更張今
鹽臣又稱民情地勢俱便兩淮議論互異且相隔三
省臣部難以懸議請

勅兩淮鹽臣會同偏沅撫臣確查三府行鹽民情地勢果

便何處歸淮在廣額課孰多速行具題隨據該鹽臣
會同沅撫周召南疏稱行據分守上湖南道下湖南
道湖廣驛鹽道各詳稱三府明季原食淮鹽味甘價
平並無山嶺間隔又無擔運艱難粵鹽味苦價高砂
多前鹽臣白尚登因伊時逆孽盤踞淮商中斷不得
不權行粵鹽今已太平商民地勢均便於淮計三府
行鹽共陸萬貳千肆百陸拾包每包納課柒分伍厘
共肆千陸百捌拾伍兩貳錢伍分應令淮商辦納臣
部覆查三府民情地勢既稱俱便於淮即應歸之淮

綱行鹽辦課但三府所行鹽包在廣東現納課稅請
勅粵東撫臣查在廣應納課稅若干造冊報部以便除去
廣額責令淮商照數認納續據廣西巡撫屈盡美題
稱湖南衛永寶三府向食粵鹽成例已久我

朝復經粵東按臣張純熙具題部議

勅下兩淮鹽臣及兩粵撫按諸臣酌妥會覆率循舊章禁
淮鹽之不得擅越而歲額考成亦已責之粵西矣今
兩淮鹽臣不審粵西湖南三府歷來行鹽之故一旦
欲行紛更部查淮粵輸餉孰多尚未奉

旨楚中司道輒禁粵商而徑行淮鹽於三府之地今粵鹽
不敢運楚即已運貯楚者又不敢行銷以致課餉無
出人情洶洶倘一經變動則東省鹽政壅滯而西省
兵餉告訕未免大費躊躇查三府歲計行鹽陸萬叁
千餘包由東而西以及湖南節節輸課歲約肆萬之
多以佐粵西之餉若令淮商行此三府之鹽歲計僅
輸肆千陸百有奇則粵東之引目難銷而粵西坐失
肆萬之課其多寡之數與損益之辨不待智者自明
且三府一行淮鹽湖南之私販充斥固無論矣其如
粵西所屬州縣切近湖南道州一帶地方悉食淮鹽
蓋小民惟知趨利因其省而便者從之况又無關隘
之守向何稽察而禁絕之不惟淮商有三府而兼得
粵西之厚利矣在兩粵不惟無此三府銷鹽納餉而
兼無所屬歲額之稅課矣乞

勅戶部查三府稅餉淮商與粵商所輸者孰多孰寡併查
前鹽臣白尚登所題速行議覆仍令照舊臣部覆查
三府行鹽一案先經兩淮鹽臣胡文學

題請臣部覆令會同偏沅巡撫確查據稱民情地勢俱

便食淮鹽是三府改食淮鹽業經覆

准矣但粵西商鹽既已運到自應准其銷賣以完粵東考
成粵商賣完查明日期即令淮商接銷以責淮商認
課至於三府運行粵鹽在粵東省另有輸納稅餉臣
部前疏請

勅粵東撫臣查應納課稅若干報部責令淮商認納原未
嘗准其肆千陸百之稅即為定額也應俟粵東撫臣
查明定額俱責淮商辦納至於淮鹽止許運行三府
地方如有越販許該撫嚴拏恭治又據西撫題稱粵

鹽行楚除納粵東課稅外粵西每年約得鹽雜稅銀
共伍萬伍千餘兩今改食淮鹽楚商禁足東商不行
粵西歲失伍萬伍千餘兩之稅課應責令淮商一併
認納臣部以事關三省地方經制不便懸議再請

勅湖廣總督沅撫及兩粵督撫兩淮鹽臣會同確查三府
食鹽果係何處為便粵東粵西各有稅課若干分晰
細數其雜稅果否俱係鹽船帶貨一併查明具題再
議又據廣東巡撫盧興祖覆稱查粵東鹽之行於楚
省衡永寶三府地方原有三路一由梧州入桂以達

於楚一由韶州樂昌以達於楚之郴州宜章永興興
寧等州縣一由連州以達於楚之臨武藍山等州縣
共引壹萬壹千伍百零玖引肆分貳厘捌毫壹絲每
引壹拾肆包其由西江販運則有黃江廠之推由北
江販運則有清遠冷光遇仙橋之推計自省兌鹽與
經過各處關榷通共該納粵東稅課銀貳萬伍千貳
百伍拾玖兩伍錢貳分玖毫玖絲柒忽玖微陸纖如
允改淮之議則請責令淮商照數認納依期解赴粵
東以填粵課或如部議除去廣額以免貽粵東考成

之累臣部查三府食鹽又經廣西巡撫屈盡美具題
臣部覆請

勅楚督沅撫及兩粵督撫兩淮鹽臣會同確查應俟會題
之日再議隨據湖廣督臣會同各省督撫疏稱三府
歷係行淮故地緣嘉靖年間倭寇犯廣暫將三府改
食粵鹽以餉士馬原屬一時權變之法邇因舊商逃
亡新高乏本買運無幾盤灘過淺其費彌多以致鹽
價愈重公私交困若淮鹽用船一帆可至價值甚廉
較粵鹽又無沙而味甘三府官民同口一詞是行粵

不便而行淮為便實人情事理之大可信者也然粵
鹽不行則粵西歲缺稅銀叁萬玖千餘兩議令淮商
認納又除去廣額以運淮額則在公不失經制之數
至雜貨乃民間日用之需自有貿易之客於鹽艘無
與則粵西應納之雜稅自難却及於淮商但元年已
運之粵鹽未銷西稅尚難足額今淮商猶未接售儘
粵鹽發引以足元年粵稅而貳年之課始責令淮商
完納臣部復查疏內雖稱三府應行淮鹽鹽課令淮
商認納但雜稅銀壹萬伍千餘兩有虧且廣西巡撫
所議廣西地方與衛永寶三府相近仍便食粵鹽而
行淮鹽不便臣部難以定議應

勅楚督再行會同定議具題於康熙叁年捌月續據楚督
張長庚仍照前議

題覆而粵西督撫屈盡美等堅稱湖南三府萬萬不便
改食淮鹽臣部覆

准三府地方該督既屢稱應行粵鹽不便行淮鹽相應准
其照舊仍行粵鹽

一康熙元年捌月廣西巡撫屈盡美題稱粵西久經兵

火之後拾陸年始幸全闕地土荒蕪過半人民拾存
貳叁深山窮谷貧民困苦則竟有不食鹽者矣查本
省及湖南三府舊例招商買運東省鹽包納稅轉賣
年終造報合銷而湖南三府亦經前按臣李秀題報
考成業有定案今粵東請派粵西銷引壹萬捌千道
實未知粵西行鹽之例與地方人事之難耳誠如司
道府屬回報僉謂民苦不比他省派之戶口必致流
離死徙萬難銷此壹萬捌千之引又據司詳粵西舊
例行鹽稅銀歲約肆萬餘兩以鹽政考約畧筭之壹
萬捌千之引歲計僅止壹萬玖千兩之餉如責其行
引鹽則不能行商鹽而引鹽一行則商人自散是棄
多而就少矣在東省以銷壹萬捌千之引為足額殊
不知西粵久行之稅餉因之以缺其貳萬有奇若以
國課起見當不以東西分畛域然更改久成之例是益
彼之輕而損此之重也乞

勅部酌議仍准粵西照依舊例行鹽其所派壹萬捌千之
引仍歸粵東另行酌派臣部覆查粵東所請行於湖
南及粵西壹萬捌千引即係湖南粵西見行納稅鹽

包之引非於額外再增壹萬捌千引之鹽派於粵西之戶口令其停徵稅餉也但該省行鹽論包不論引是各省規則不同臣部未便懸定考成相應

勅下粵東粵西撫臣將廣西省各府州縣所行鹽包在西省作何考成在東省如何責令東商運賣通行查明舊例詳議妥確會題於康熙貳年玖月續據廣東撫臣盧興祖廣東督臣盧崇峻廣西撫臣屈盡美覆稱梧州鹽引歲行粵西與楚屬衡永寶三府向因積滯難銷額餉告訕前按臣張問政因議西省與楚屬各

官照例一體考成部覆奉有

俞旨蓋考成定州縣無不力之官商運通而額餉足也乃西省各官憚於考成不任督銷之職復以商鹽為詞部覆

勅臣等確議會題臣等因稽考鹽書梧引額載炳然歲額壹萬捌千道每引鹽壹拾肆包近年商人在東省計引輸納引餉餘鹽及水客軍餉各項銀兩然後載鹽由省至肇慶經過黃江廠計包抽稅運至梧州轉兌各商分行於粵西及楚屬三府地方消售此東商買

運之引鹽即粵西論包之商鹽原無有二也在粵西計包而推在粵東計引而科課餉相關繫於轉運使西官無督責則私販自多梧引仍滯東之引餉缺西之包稅亦因之而缺矣是西官之考成誠應照前定議又確乎不可更易也今按梧引壹萬捌千道內除湖廣衡永寶三府現議改淮除去引肆千伍百玖引零尚該引壹萬叁千肆百玖拾引零應令商人照舊行鹽飭粵西各官按州縣大小照派督銷逐年一體考成庶督責專而消售易東省引課賴以不匱西省

各稅亦無不足矣臣部覆

准查梧引壹萬捌千道內除衡永寶三府肆千伍百玖引尚該引壹萬叁千肆百玖拾引既經該撫查明會題應請

勅粵西巡撫查各州縣戶口多寡照引派定鹽包數目按額督銷一體考成再查經制冊開梧州準引壹萬捌千道除在廣東省鹽司納埠餉外又在廣西梧州府每引另納軍餉銀玖錢歲共該銀壹萬陸千貳百兩今既內未經開有此項銀兩應令查明報部

一康熙元年拾貳月廣西巡撫屈盡美題稱粵西地不
產鹽惟仰給粵東煮海之利東商轉運輸售更賴湖
南衛永寶郡歲行鹽陸柒萬包此鹽自肇慶而梧州
梧稅於是乎出自梧州而平樂平稅於是乎出自平
樂而桂林桂稅於是乎出然後自桂而興靈全灌有
稅自桂而衡有稅自桂而永而寶有稅此粵西稅額
之大致也至平樂之富川賀縣梧州之懷集另銷粵
東埠引其鹽斤即灌輸於平梧諸屬惟潯南一廠乃
由梧而入左右兩江江陰山窮土瘠人蠻今柳慶思

南潯太之六郡行鹽亦無幾耳此則粵西通省行鹽
之大致也今奉文定額查明時民庶物阜原有定額
兵燹之後百不及一此明額斷斷難循數年以來惟
聽流商轉運之多寡為歲額之盈縮實視鹽包運銷
之遲速以為商賈之行止是稅課端賴於商鹽商鹽
端賴於戶口而粵西戶口非土獞之野蠻食淡即殘
黎之衣食鮮給又如斯矣湖南之衛永寶與桂林一
府行銷粵鹽舊章鹽法班班可考故明歲銷官鹽柒
萬貳千餘商鹽亦柒萬貳千餘商安得不通稅安得

不裕越今時異民少官運未舉亦歲銷商鹽柒萬貳千餘包商猶藉以僅通稅猶藉以僅裕而必於此生齒未繁物力未豐之際舉其歲收之偶多者既不可以為常舉其歲收之偶寡者更不可以為常而欲於此折衷定額將來溢與缺俱未可知况粵西桂平梧等屬鹽稅多因湖南三府行鹽之所得而三府若一改食淮鹽則歲計柒萬餘包之東鹽必不敢運入於西粵以粵地人民之銷售無幾也此鹽額所以難定臣部議覆查疏稱廣西桂平梧等屬鹽稅因湖南三府行鹽之所得而三府改食淮鹽難以定額應令該撫將各府所收衡永寶三府鹽稅查明細數若干除去以憑責令淮商認納其該省各府鹽稅仍令速定經制報部定奪

一康熙叁年叁月廣西巡撫屈盡美題稱粵西各府行鹽向來商無定名引無定額其銷售之多寡聽民間之自便其課稅之盈縮亦惟按包為抽扣至年終奏銷此成例也近准戶部咨移題覆粵東撫臣盧興祖疏開按梧引壹萬捌千道內除衡永寶三府肆千伍

百玖引尚該壹萬叁千肆百玖拾引請

勅粵西巡撫查明各州縣戶口多寡照引派定鹽包數目
按額督銷一體考成臣正行各州縣挨查丁口俟其
派定鹽包之後然後造冊具題今廣東鹽道催造康
熙元貳年以前考成查考成必須預定經制始知其
完欠分別其殿最今勒令粵西銷引派諸戶口奉文
甫及兩月見在酌派難以開造應以奉文為始至康
熙叁年拾壹月為一歲造報考成臣部覆查廣西省
行鹽銷引臣部於順治拾柒年題覆廣東巡按張問

政疏內行令一體考成績經廣東巡撫盧興祖疏稱
梧引壹萬捌千道內除衛永寶三府肆千伍百玖引
尚該壹萬叁千肆百玖拾引臣部請

勅粵西巡撫照引派定鹽包數目按額督銷一體考成今
該撫請以奉文為始扣至康熙叁年拾壹月考成則
順治拾柒年起至康熙貳年止鹽課完欠憑何稽核
且衛永寶三府久已考成該省何得獨異應令該撫
仍照原題目順治拾柒年為始按年造報考成至於
梧州府每引另納軍餉銀玖錢速為查報

一康熙叁年肆月廣西巡撫屈盡美題稱粵西徭稠民
少山多土瘠又當兵燹貳拾餘年之後戶口消亡十
僅存一其閭閻顛連窮苦之收卽鄭圖亦所難繪原
與他省大不相同前奉文責令銷引壹萬捌千道經
臣脩陳萬難督銷情狀具疏入

告部覆除湖南三府肆千伍百玖引其餘壹萬叁千肆百

玖拾壹引請

勅臣查粵西州縣戶口多寡照引派銷臣卽嚴行藩司速
查戶口均派今據司府備詳丁口之稀少民力之難

承且徭徭及蠻俗淋灰水茹酸蕨而不知鹽味者過
半卽有食鹽戶丁又因貧乏難買計所需鹽價反浮
過於丁銀正賦數倍事關民隱臣又不得不再為瀆

請以寬民命查粵西與湖南三府昔年雖派梧引壹萬捌

千道值承平戶口繁盛之時止銷得壹萬貳千引向
來原有銷不足額者陸千道乃粵東鹽政考刊書內
開載甚明若以壹萬叁千肆百玖拾壹引派除按引
科筭每壹引計鹽壹拾肆包共該鹽壹拾捌萬捌千
捌百柒拾肆包每包重壹百柒拾斤今計丁壹拾貳

萬伍千壹百柒拾柒丁該每丁年食鹽貳百伍拾陸斤零較故明承平富庶之時戶口有壹百陸拾餘萬今止壹拾貳萬伍千零即正賦一項小民之骨髓尚竭於徵輸值此哀鴻初集之窮黎何堪驟加格外之重額勢必逃亡走險戶口愈空田賦愈訕深屬地方隱憂實非各官畏考成有所借辭而推諉也應將故明原銷不及額陸千引自當除去以壹萬貳千為則內湖南已銷肆千伍百玖引尚存柒千肆百玖拾壹引應照湖南戶口消耗之例每年乞准銷肆千肆百玖拾壹引計鹽亦有陸萬貳千捌百柒拾肆包無論單丁食鹽與不食鹽者每丁亦年銷鹽捌拾伍斤零則價值亦數倍於丁銀亦溢於正賦乃出於萬不得已勉強督銷之數此外萬難復加以免官民交困所餘叁千引日俟戶口充裕之日再回湖南三府齊議增銷臣部覆

准查梧州引壹萬捌千道乃明季萬曆年間舊額此外尚有官運鹽包照數搭配行銷今戶口雖減然官運未舉已免去其半即湖南三府戶口消耗亦止停其官

運鹽包商鹽見今照額未減况該省所食者粵東之
鹽在東省另有軍餉引課輸納果係廣西省不能行
銷如許引目則湖南三府先經食粵鹽之時該撫何
不題明請減今又稱不能如數行銷殊屬不合仍應
照舊竭力行銷速行考成

一康熙叁年玖月廣西巡撫金光祖題稱凡考成之法
必預定經制然後責其完欠始有成效也今粵西行
鹽銷引部覆乃以粵東之題報為一定而不可更計
除湖南之引粵西尚該壹萬叁千肆百玖拾壹道必

欲自順治拾柒年為始按年造報考成但查從前併
無額數亦無經制凡民間日食之鹽皆聽民自售即
商亦無定名引亦無定額惟有各處鹽推徵收稅銀
隨其多少皆按年造冊報部且順治拾柒年間粵西
開徵僅有四府而五府尚未開徵况戶口又凋疲之
極較故明時已十損其九乃以肆年來合引伍萬餘
道該鹽柒拾餘萬包責民買運則該鹽價船脚盤割
稅課等項不下叁百餘萬兩備責窮民以併完又責
見任官以考成雖嚴刑峻法亦必不能行矣臣目擊

萬難原非憚於督責若使民力可從又何惜下吏之
身命耶乞

勅部詳議恪遵前

旨於康熙叁年分定為考成減作肆千肆百玖拾壹引餘
俟戶口蕃日再議增銷臣部覆

准查考成年分臣部原題自順治拾柒年為始今該撫請
以奉文為始則順治拾柒年以來鹽課作何清楚未
便准從仍應查照前

旨遵行

一康熙叁年玖月廣西巡撫金光祖題稱廣西通省戶
口在故明時計壹百陸拾餘萬而今之見在者僅拾
貳萬伍千壹百餘丁較明時已十損其九今奉銷引
目計鹽拾捌萬捌千捌百餘包若以斤計每丁歲該
食鹽貳百伍拾餘斤日該食鹽壹拾壹兩零即以一
年計美較之食米之數相等鹽雖日用之物斷未有
與粒食俱多者且其價已數十倍於丁徭之賦此萬
萬難於照引督銷亦已明矣今以丁口計之實不及
湖南三府之稠密當明季時粵西戶口計有壹百陸

拾餘萬兼併湖南三府尚且止能銷官商之引共壹萬貳千道此則臣雖未目擊而鹽書實條載者再查兩淮照丁銷鹽舊例每丁年止銷鹽拾斤零捌錢而以粵西至窮至瘠之地銷鹽反數十倍於彼以壹百陸拾餘萬丁口之鹽而責之今日拾貳萬餘之丁口雖日加敲撲終難如數行銷乞

俯念粵西戶口凋耗准照每歲銷行肆千肆百玖拾壹引計每丁歲亦食鹽捌拾伍斤已八倍於兩淮之例督令司道府屬着實奉行以副考成餘俟生聚蕃日再

議增銷臣部覆

准查鹽法考所載南雄梧州二府商引無定額每年各約計貳萬道今稱止壹萬貳千道則該省鹽書未可為據該撫自應竭力督銷完額仍遵照前

旨派定州縣額數考成

一康熙肆年叁月廣西巡撫金光祖為巡歷地方第一迫切民情據實直陳題稱粵西行鹽一案業經會同督臣屈盡美條述民艱屢疏請減部覆引目必照壹萬捌千道除去湖南三府肆千伍百玖引尚該壹萬

叁千肆百玖拾壹引照粵西戶口派銷茲臣巡歷地
方據各府百姓訴稱粵西久遭李逆蹂躪荒涼萬狀
幸蒙

本朝仁政事事愛民貳叁年來墾荒納糧纔有生色忽以
鹽引創從前未有之例派銷百姓且正賦尚爾除荒
徵熟而鹽價數倍於正賦戶口現在十不存一而鹽
斤不少於食米民實貧而無本之可運民實愚而無
商之可僉各官惟慮考成而不遑惜百姓徒有號泣
而莫能行在臣亦無可奈何耳臣查正賦原額叁拾

捌萬餘兩除荒缺外徵熟止貳拾肆萬餘兩而以鹽
價計之不下陸拾餘萬兩而果數倍於正賦也又查
戶口原額壹百陸拾餘萬丁今僅存壹拾貳萬餘丁
而以鹽斤計之每丁該食貳百伍拾餘斤果不少於
食米也再查兩淮係腹裡之民舊例每丁止銷鹽拾
斤捌錢而粵西係邊方之民派銷如許及數十倍於
腹裡之民也乞

勅部俯照前疏比依湖南戶口消耗之例減作肆千肆百
玖拾壹引遵於康熙貳年拾壹月內奉文之日按美

餘俟戶口繁盛再議增銷臣部覆查廣西省該行銷
壹萬叁千肆百玖拾壹引原題自順治拾柒年為始
派令各州縣按額督銷該撫屢稱從前並無額數亦
無經制臣部恐虧課額請

勅該撫查明行鹽包數斤數并某州縣派銷數目仍照前
題年分速造經制冊報續據該撫疏稱粵西銷引一
項創從前未有之例民力難堪如壹萬叁千肆百玖
拾壹引每引該鹽拾肆包共拾捌萬捌千捌百柒拾
肆包每包鹽重壹百伍拾斤共該鹽貳千捌百叁拾

叁萬壹千壹百斤以拾貳萬餘丁計之每丁每年食
鹽貳百餘斤每包賤時不下叁肆兩非陸拾餘萬之
鹽本安能買運查正賦止有貳拾肆萬餘兩鹽價數
倍於正賦銷引一節為粵西大害急除之則民生樂
而地方安強行之則民生愁而地方危請照前疏減
作肆千肆百玖拾壹引從康熙貳年拾壹月奉文之
日為始照各州縣康熙叁年分現在之丁口而均派
之定為經制每丁尚該食鹽柒拾貳斤零至極而無
可加派臣部覆

准查前後撫臣俱稱丁少鹽貴貧民無力買運相應准其以肆千肆百玖拾壹引為經制自康熙叁年為始照冊內州縣數目督銷俟戶口繁盛再議加增其順治拾柒年至康熙貳年止既尚未定經制運鹽多寡應無庸議至冊開經過各府納稅如止在梧州府賣及往別府陸路發運不經過平樂府桂林府關廠則無此稅等語查各處鹽課俱有定數恐借口陸路發運不無隱漏之弊且行運鹽包數目無憑查核仍令該撫確議稽查納稅之法作何定額以便考成

一康熙肆年拾貳月廣西巡撫金光祖題稱湖南與粵西隔屬遙遠其各官陞任離任舊無詳報任內鹽課完欠無憑稽查臣部覆

准湖南衡永寶三府行銷粵西之鹽嗣後湖南各官陞任離任務將任內鹽課完欠詳明粵西巡撫方准離任應令該撫通行申飭

一康熙伍年貳月廣西巡撫金光祖題稱粵西行銷向來商無定名惟東商至梧發賣將原領東引即於梧廠繳還粵東則東西南北惟其所之無行銷地名亦

無包數多寡某州縣行過鹽包若干亦無所稽查茲
據司道詳議騰刻粵東部引式樣用臣及司道之印
鈐蓋於上給發梧州名為西引商民在梧買運即起
此引註明包數地方於引內鹽引兩不相離經過廠
推又註明銀數用權官之印鈐蓋於上至地方銷賣
而地方官將此引繳院查核臣部覆議得查各運司
行鹽俱以部發引目為憑今該撫咨稱照部頒引式
另刻西引名色查從前無在外立引之例不便准從
應暫照舊例行鹽但該省行鹽無引難以稽核亦非

經久之法應令會同粵東督撫酌議或該省另請部
引照運納稅或即將粵東原引通行粵西或改設小
票務期經久無弊便於稽察隨據該撫覆稱如另請
部引是壹鹽兩引不無重複如東引通行西省查考
成例在東省又不無投繳踈滯之累惟改設小票定
其所售之地核其應銷之鹽稽核無遺商民稱便是
可經久議行者也臣部覆

准查部引既稱不便而在外給發小票又恐滋弊亦不可
定不若仍令照舊運行

一康熙伍年貳月廣西巡撫金光祖題稱商人從東折引運鹽到梧執有部引及粵東院道號票鹽旗投廠盤驗如係生鹽每引例納軍餉銀玖錢外又收牙用盤割溢出鹽包鹽羨五項共銀叁錢柒分捌厘伍毫零連軍餉共銀壹兩貳錢柒分捌厘伍毫零如係熟鹽每引例納軍餉銀玖錢外又收牙用等五項共銀貳錢柒分伍厘壹毫叁絲連軍餉共銀壹兩壹錢柒分伍厘壹毫叁絲如係倉膳二鹽則每引止徵軍餉銀玖錢不徵牙用等五項又每東鹽道所給黃旗一

面不論鹽與船之多寡例納船頭銀貳兩此歷來收稅之舊例也若將此數項按每引拾肆包而分之則每包大約不過壹錢耳以上所收各項銀兩梧府按季解赴粵西左藩充餉年終彙冊奏銷又將所收各項銀兩俱於盤驗收稅時即逐填在粵東引票之末每於年終彙繳東鹽道轉繳東撫註銷此則歷來註明備查之舊例也其牙用等五項經制冊內原無開載止相沿舊例徵收逐年俱入奏銷無絲毫之可隱漏者惟是向來俱係按引徵稅原未嘗有計包之說

蓋因前此湖南三府改淮時粵西院司惟恐缺去此
餉故將軍餉及牙用等五項又加船頭一項分每引
為拾肆包而計之約舉成數曰每包過梧應納稅壹
錢等語此按包之說所由來也其實按引按包總是
此稅分計合計總是此數原非既按引而收軍餉又
按包而徵鹽稅也至於桂林平樂二府所收之稅舊
例止按包而權蓋引自梧州止故既過梧州則不復
存引之名平樂每包納稅叁錢桂林每包納稅壹錢
伍分湖南三府至桂林接買又每包納稅銀柒分伍

厘此則節節輸納之稅逐年俱入奏銷可查也又查
懷集縣引餉一項該縣例銷東鹽不經梧廠惟在梧
另納部餉銀陸百陸拾壹兩逐年充餉奏銷在案若
夫倉膳二鹽准東撫咨稱倉鹽係水客帶回備交西
運膳鹽係故明桂藩受封故有此徵今西運已停桂
藩久廢前項鹽包變價充餉其鹽不用部引原非額
引內之鹽斤也但粵西今既照戶口食鹽官有考成
之責嗣是而後倉膳二鹽粵西毋容買運臣部議覆
查廣東省額引內分出壹萬捌千引行於廣西省及

湖南三府地方名為梧引除納東省鹽司引餉及經
過關廠納稅外每引在梧州府另納軍餉銀玖錢共
銀壹萬陸千貳百兩係廣西梧州府經收經支聽廣
西督撫銷筭此原係廣東省造送臣部經制冊內開
載至於梧府每包納稅銀壹錢過平樂府每包又納
稅銀叁錢過桂林府每包又納稅銀壹錢伍分湖南
三府至桂林接買每包又納稅銀柒分伍厘此又廣
西省論包抽稅之數也今該撫屢稱梧州府每引餉
銀玖錢即在每包稅銀壹錢之內無一鹽兩稅之理

則平樂桂林等府因何又另收鹽稅事關經制應令
該撫查明將從前未納銀兩若干速為追補不得再
為牽溷至於倉膳二鹽既非額引內之鹽斤不用部
引

本朝未經題明緣何私自行運節年以來共行過若干徵
過稅銀作何着落應令該撫查明具題於康熙陸年
正月據該撫覆稱鹽政一案屢經內部駁查每引納
軍餉玖錢係廣東造送經制之數又每包納稅銀壹
錢是梧州所收之稅竟以一稅而二視之遂至一駁

再駁經今覆核每包壹錢即是每引軍餉玖錢及盤
割等項并船頭合算分計之數并無軍餉等項之外
又復重收壹錢之事何從追求至倉膳二鹽原係粵
東給票運行梧州止照鹽例收稅彙在各年鹽稅內
奏銷其當日曾否題明惟粵東始悉其故至康熙叁
年以後則並無此倉膳二鹽運行西省矣臣部議覆
查廣西梧州府引餉一案該撫既稱駁查多次覆核
已明額課題明總歸梧州收納無容再議至於倉膳
二鹽請

勅粵東巡撫將二項鹽斤確查從前原委曾於何年月日
題明不用部引今廣西巡撫又稱粵東變價充餉其
變價之銀在於何處逐一查明再議於康熙陸年拾
月據廣東巡撫王來任疏稱倉鹽一項水客買鹽回
省例有餘鹽折價充餉迨故明萬曆年間粵西建議
官運將此餘鹽徵收本色貯倉備交西運此倉鹽原
委也膳鹽一項亦係水客帶鹽回省以供故明桂藩
之用

本朝仍舊帶倉膳二鹽上倉變價以充額餉於順治拾壹

年間鹽課經制冊內開明具題臣部覆

准查倉鹽一項既係順治拾壹年送部經制冊內開明變價湊解歲額之款無庸查議其膳鹽一項係額外之款康熙元年以前奏銷冊內並無膳鹽價銀字樣仍應查明報部再查西省各州縣引額已定此二項鹽斤既不用部引係何地方行銷令該撫一併查報再議

一康熙伍年貳月廣西巡撫金光祖題稱粵西僻處南荒民獠狼獾於苗雜處其中種類不一大率皆草衣藿食少知五味調和者而凋殘之餘生聚未久是以

計口食鹽一案臣屢疏瀆奏奉

旨減作肆千肆百玖拾壹引從康熙叁年為始考成臣復何敢再瀆第從前未有銷引舊例事屬始創而減引考成之

旨又自康熙肆年玖月方奉到臣當即行司率屬督銷據稱民貧既難於措本民愚又難於僉商即星夜催督赴東買運而灘高水淺時日多費於江干計鹽艘入粵之期已在明春矣是從前初運之鹽未行而本年應銷之引又至日積月累勢難疏通請自康熙伍年

之引按年考成外其康熙叁肆兩年係已逾之年分
額懇寬限照帶徵之例以部文到日為始扣算年
限期庶可疏銷足額臣部覆

准查康熙叁肆兩年為期已過難於一時考成但銷引無
年半之限應以部文到日為始扣算一年造報考成
一康熙伍年伍月廣西巡撫金光祖為行鹽之經制已
定關廠之稅餉宜均題稱巡歷地方等事一案部覆
仍令該撫確議稽查納稅之法作何定額以便考成
今查得桂林府廠每年經過鹽包合湖南桂林共過

廠鹽捌萬肆百捌拾包零柒斤伍兩陸錢每包稅銀
壹錢伍分又引餉銀柒分伍厘二項共銀貳錢貳分
伍厘每年共額銀壹萬捌千壹百零捌兩壹分壹厘
貳絲伍忽平樂府廠每年經過鹽包合湖南桂平共
過廠鹽捌萬伍千叁百包零肆拾陸斤壹拾叁兩肆
錢每包納稅銀叁錢每年共額銀貳萬伍千伍百玖
拾兩玖分叁厘陸毫柒絲伍忽潯州府廠每年經過
鹽包合南太柳慶思潯共過廠鹽貳萬肆千陸百陸
拾肆包壹百零貳斤捌兩伍錢每包納稅銀叁分每

年共額銀柒百叁拾玖兩玖錢肆分伍毫陸忽貳微
伍緘南寧府廠每年經過鹽包合太思南寧共過廠
鹽壹萬壹百柒拾伍包零陸拾斤壹拾壹兩捌錢每
包納稅銀叁錢每年共額銀叁千零伍拾貳兩陸錢
貳分壹厘肆毫柒絲伍忽又慶遠府每年鹽稅額銀
肆百壹拾肆兩又梧州府蒼藤二縣戎墟等埠鹽餉
銀叁百貳拾兩以上桂平潯南慶五府鹽稅共銀肆
萬捌千貳百貳拾肆兩陸錢陸分陸厘陸毫捌絲壹
忽貳微伍緘再查各府抽收鹽稅前因經制未定各
廠隨運鹽之多寡抽收每年故無定額今經制已定
奉內部行查各廠稅銀作何定額稽察查舊例鹽包
入梧輸餉之後聽鹽商轉運各府發賣到平則輸平
樂之稅由平到桂則又輸桂林之稅到潯則輸潯州
之稅由潯到南寧以及各府則又輸南寧之稅節節
盤驗節節輸納不惟各府有不均之嘆而且不便於
商更恐易於漏稅似為未妥今以桂平潯南等廠每
年額占稅銀肆萬捌千貳百貳拾肆兩零將粵西通
省及湖南應占額鹽壹拾貳萬陸千零陸包均平分

箕每引該銀伍兩叁錢伍分捌厘肆絲壹忽壹微伍
織叁塵玖沙玖渺陸漠總在梧州徵收輸餉之後仍
照舊例其府鹽包發其府疏銷年終造報考成則各
屬之輸課適均稅餉之盈虧易察又梧州府廠每年
經過鹽包合粵西湖南共過廠鹽壹拾貳萬陸千零
陸包每拾肆包為一引共計玖千引零肆分貳厘捌
毫伍絲原例納稅有生熟之不同今俱以生鹽算每
引納正餉玖錢又外納盤割等伍項銀叁錢柒分捌
厘有零每引共銀壹兩貳錢柒分捌厘伍毫叁絲貳
忽玖微貳塵每年共額銀壹萬壹千伍百零柒兩叁
錢肆分叁厘玖毫陸絲玖忽叁微肆織捌塵伍埃柒
渺又附徵桂平潯南等處廠稅每引伍兩叁錢伍分
捌厘肆絲壹忽壹微伍織叁塵玖沙玖渺陸漠每年
共額銀肆萬捌千貳百貳拾肆兩陸錢陸分陸厘陸
毫捌絲壹忽貳微伍織以上梧州正餉并桂平等稅
餉合粵西湖南每年通共額銀伍萬玖千柒百叁拾
貳兩壹分陸毫伍絲伍微玖織捌塵伍埃柒渺東省
之引總在梧州彙繳各廠之稅總在梧州徵收輸餉

之後即無阻滯而有便於商稅既均平鹽價畫一而有便於民且無漏稅之弊尤足以裕

國賦此則稽察納稅之確議也臣部議覆查該省向來經制未定徵收鹽稅餉銀頭緒紛繁今該撫議將通省各府及湖南三府稅餉總歸梧州府廠徵收相應允從其自梧州府廠收稅之後仍應責成各府管理鹽法之官稽查夾帶漏稅等弊永為定例再查原題

湖南三府及桂林府經制內開桂林全州灌陽興安靈川一股共鹽玖千陸百肆拾肆包今經制冊內開

桂林一府屬州縣共食鹽貳萬捌百肆拾壹包零數

目不符從前作何考成應令查明具題於康熙陸年貳月據該撫疏稱桂林府全灌興寧四屬在未定經制之先每年運銷鹽玖千陸百肆拾肆包附在湖南三府冊後造報考成自康熙肆年玖月內部覆以廣西通省每年銷鹽肆千肆百玖拾壹引定為經制遂將桂林一府除永寧州例不編丁外其餘捌屬按丁派銷則應占鹽貳萬捌百肆拾壹包零經制未定之先與經制既定之後數目自是不符也目今康熙叁

肆兩年俱照新額貳萬捌百肆拾壹包造入廣西全省考成聽粵東撫臣題報不復附入湖南三府冊後矣臣部覆

准既經該撫查明數目無容查議

一康熙伍年捌月廣西巡撫金光祖為特陳鹽餉逋額之由題稱粵東之鹽行于湖南三府歲額肆千伍百玖引惟是衡永寶三府地勢近淮民間多私食淮鹽以致粵鹽壅滯據寶慶道府呈詳康熙肆年之鹽至冬月方得買運及今積滯難銷而民間既不肯買食

則商本必停康熙伍年之課愈見缺額茲議三府照戶口食鹽之法酌定數目刊設小票散商填賣交與見年每月彙繳州縣轉繳查核務使鹽數與額數相符課額或可取盈矣臣部覆

准查計口授鹽乃舊制定額之法非令按戶勒派病民也今湖南三府行鹽州縣久有定額每年考成如果民間私食淮鹽地方各官所司何事何不禁緝疏通康熙肆年分之鹽至冬月方得買運係何省之官遲悞既內俱未說明應

勅該撫查明題報至稱照依市價分給里民銷售恐其病
民各運司並無刊設小票之例仍應照定額行銷不
便紛更續據該撫題稱康熙肆年鹽包冬月方運實
由粵東禁海非係各官遲悞部覆無容查議

一康熙陸年玖月廣西巡撫金光祖題稱廣西富川縣
賀縣例行東鹽不在粵西通省派引之內據二邑百
姓赴省籲懇照通省一例按丁食鹽以甦重困查富
川縣人丁壹千壹百柒拾貳丁半行鹽壹萬壹千貳
百包是每丁歲食鹽壹千肆百叁拾餘斤賀縣人丁
叁千伍百柒拾捌丁行鹽玖千叁百捌拾包亦每丁
歲食鹽叁百玖拾餘斤其斷斷不能銷食明矣乞

勅部查議俯照粵西通省按丁派鹽柒拾貳斤零之例富
川應銷鹽伍百陸拾肆包零壹拾伍斤壹拾伍兩賀
縣應銷鹽壹千柒百貳拾壹包零陸拾叁斤壹拾叁
兩其餘引額俟戶口繁盛增銷臣部覆議查富川縣
賀縣在廣東廣西二省俱納課餉今稱鹽多民少萬
難銷售請減鹽包但行之年久若果鹽多民少難食
彼時督撫何不具題况兩省課餉各數目並未說明

仍請

勅該撫會同廣東巡撫查明具題再議於康熙柒年拾月
據該撫覆稱富川縣原額引捌百道賀縣原額引陸
百柒拾道今照粵西通省行鹽之例以見在人丁銷
售合計富賀二縣共存銷引壹百陸拾叁道肆分伍
厘零東西二省稅餉共存銀伍百肆拾叁兩柒錢壹
分柒厘零合計二縣共減引壹千叁百零陸道伍分
肆厘零東西二省稅餉共減銀肆千叁百肆拾伍兩
玖錢玖分貳厘零俟戶口繁盛再議增銷臣部覆

准查富賀二縣雖屬廣西省其額引在於廣東省經制之
內行之年久原非照人丁多寡定額今東省州縣俱
照舊行銷二縣不便減額仍照舊行銷

一康熙陸年拾月廣西巡撫金光祖題稱湖南衡永寶
三府康熙伍年分額運鹽包除永寶二府已照額全
完外其衡州府額鹽壹萬捌千零叁拾柒包止銷過
鹽陸千玖百零柒包肆分尚缺鹽壹萬壹千壹百貳
拾玖包陸分此缺額未運數內東商運積於桂林河
下者計柒千柒百餘包而未拆東引者計叁千叁百

捌拾餘包屢催補運竟以隔屬玩視違延今藉以改
淮而不補完則此堆貯桂林之鹽更責銷於何地派
食於何民而未拆之東引何能銷額以足考成此衡
州府缺額鹽包應按數仍責該府運完足課也至康
熙陸年分三府額鹽自湖廣奉文改淮全未買運今
既奉改淮之文淮鹽充塞於三府欲使之再運康熙
陸年之粵鹽必勢所難行矣應以一年總歸於淮總
作考成遵

旨照納粵課允屬妥便此三府未運鹽包應總歸淮納課
以清考成以從民便也再按三府歲額該鹽引肆千
伍百零玖引肆分貳厘捌毫伍絲該鹽陸萬叁千壹
百叁拾貳包以粵楚鹽包均派之例筭該課銀貳萬
玖千玖百貳拾陸兩玖錢柒分依淮鹽奉示入境案
內原例筭該課銀叁萬玖千肆百伍拾柒兩伍錢今
應照何例歸淮納課俾粵楚均有足額至於粵西雜
稅奉

旨食三府照額認納今粵西舊設關廠或仍舊抽收隨所
收多寡之數報部或行停止相應一併題明臣部覆

准查參府奉

旨着食淮鹽康熙陸年分粵鹽既稱全未買運相應總歸
兩淮造報考成其衡州府康熙伍年分鹽包課銀係
未經歸淮之先仍應粵西造報考成其桂林堆貯鹽
包該撫酌量行銷不便與淮鹽溷行至三府歸淮課
銀應照何例定額已經行文該撫并粵東巡撫及兩
淮巡鹽御史會查明白俟到日再議其該省襍稅仍
令抽收報部續據該撫咨稱楚粵各府鹽包稅餉總
歸梧州府秤納每包計銀肆錢柒分肆絲零係楚粵

鹽包通算之例今

新例既奉題明合無仍照

新例臣部查三府舊納廣西鹽包稅銀既經查明應照

新例除去貳萬玖千玖百貳拾陸兩玖錢柒分添入兩淮
額內考成其餘銀玖千伍百參拾兩零仍在廣西額
內考成又據該撫咨稱桂林府同知詳議三府額引
只以肆千伍百玖引肆分照

新例乘算該餉銀貳萬玖千玖百貳拾陸兩玖錢零今奉
部文添入兩淮額內考成即照此數查覆尚有貳厘

捌毫伍絲之引未該餉銀壹錢捌分零原未入於三
府額餉之內合再咨明將湖南應銷引未之餉銀添
入兩淮額內以符三府貳萬玖千玖百貳拾柒兩壹
錢伍分陸厘伍毫陸絲玖忽壹微肆纖陸塵貳埃參
渺肆漠之數以定經制其餘銀玖千伍百參拾兩之
數蚤已均派在粵西稅餉之內矣臣部覆核無異移
咨都察院轉行兩淮御史遵照將壹錢捌分零餉銀
添入額內至每年原額銀兩數目相應准其更正
一康熙陸年拾月廣東巡撫王來任咨稱粵東鹽政歲

收倉膳二鹽悉照明朝舊例奉部行查原委情由今
備悉查明順治捌年起至康熙元年止徵收變價銀
兩造冊奏銷康熙貳叁兩年奉文禁海鹽場竈地遷
折界外倉膳無收迨至康熙肆年間開復煎鹽口子
召復水客運鹽乃據水客循照舊制帶回食膳適值
粵西題定銷引經制各州縣自顧考成皆行正引故
粵東有倉膳之收而乏消售之地業經前撫院着令
水客領還通融兌商納價湊充部額查康熙肆年分
倉鹽價銀壹萬陸千肆拾肆兩柒錢康熙伍年分倉

鹽價銀壹萬陸千肆百壹兩柒錢陸分叁厘捌毫俱
經解赴藩司充還餘鹽餉額至若膳鹽一項康熙肆
年分價銀叁千壹百玖拾玖兩叁錢柒分捌厘康熙
伍年分價銀叁千貳百陸拾伍兩伍錢捌分陸厘肆
毫俱係經制額外之數解貯藩司庫內留充粵東兵
餉臣部議得倉膳鹽價銀應令解貯司庫聽候部文
撥餉

一康熙柒年拾貳月廣西巡撫金光祖題稱廣西各州
縣例銷東引課由鹽收鹽從引出東省將引目完欠
造報考成則西課即在引目之中是以向來粵西奏
銷惟造完欠銀數從不開造完欠分數臣部覆

准查廣西省各州縣銷引完欠分數雖在東省造冊考成
其廣西省另有廣西省稅餉已經歸併梧州府總納
以後課銀完欠分數應考成梧州府收銀之官再查
更定鹽法考成定例內各省兼理鹽法巡撫俱定有
分數考成今該撫亦應一併考成其富川縣賀縣懷
集縣三處稅銀不在梧州府總收之內亦應另造完
欠分數考成三處之官

一康熙捌年拾貳月廣西巡撫金光祖為再陳富賀二縣引多丁少之累仰請通融銷售以蘇民困題稱粵西富賀二縣原以河路便東歷來俱徑銷廣東引日查富川額引捌百道該鹽壹萬壹千貳百包賀縣額引陸百柒拾道該鹽玖千叁百捌拾包當日之能以疏通者以界連楚地而丁口稠繁故商賈競趨運銷易易也自經兵燹之後戶口凋殘楚地改淮以來粵鹽莫售是以二縣日困一日官迫考成之恭罰商苦堆積之難銷東引積滯西課虛懸官民交困至此已

極臣先經

題議富賀二縣共引壹千肆百柒拾道東西兩省課餉共該銀肆千捌百捌拾餘兩若照粵西經制計丁銷鹽之例則二縣共計肆千柒百伍拾陸丁應銷引壹百陸拾叁道零應納課餉銀伍百肆拾餘兩減引壹千叁百陸道零減課餉銀肆千叁百肆拾餘兩部議以富賀二縣雖屬廣西省其額引在於廣東省經制之內行之年久非係照人丁多寡定額今東省州縣俱照舊行銷富川賀縣不便減額仍照舊行銷但二

縣官民委因鹽引繁多困苦莫告臣又再四躊躇於
必不得已之中而暫行拯救之術似莫若以富賀二
縣之引通融於粵西州縣之間如南柳二府為提鎮
兵馬駐劄之地太思二府為土司環列接壤之區此
四府屬之間猶可疏通銷售臣酌量其行銷多寡應
令二縣招商設法疏通其拾之陸計共應銷引捌百
捌拾貳道該鹽壹萬貳千叁百肆拾捌包馬平橫川
宣化武緣養利永康等屬代銷其拾之肆共應銷引
伍百捌拾捌道該鹽捌千貳百叁拾貳包即責令各
該府極力疏通以副考成不過一轉移之間哀多益
寡而二縣之額課不虧二縣之里民得蘇臣却覆

准查富川賀縣原係東省接壤徑銷廣東額內之引每引
止納西省稅銀壹兩壹錢零其粵西通省州縣所行
每引徵銀陸兩陸錢原有稅之輕重路之遠近各不
相同今將二縣之引改銷於馬平等州縣若照富川
賀縣之額徵收則一縣之鹽納課輕重大相懸殊商
民勢必避重就輕反滋多弊如照粵西通省之例徵
收則馬平等州縣之民復又重受其累未便遽議改

銷仍請


勅該撫查明馬平等州縣之民果否力能代納富川賀縣之課是否情願課銀應照何例徵收確議經久之法具題再議續據該撫疏稱代銷之議是暫行而非永改俟富川賀縣丁口殷繁仍歸銷原引且止招商代銷兵民隨意買食則馬平等屬之民果否力能代納似無庸查議其徵收課例自應照每引壹兩壹錢零之例徵收先足該州縣額引次及代銷富賀之鹽則無避重就輕之弊臣部覆

准查該撫既稱富川賀縣因丁少引多以致民困每年原額壹千肆百柒拾引內伍百捌拾捌引在馬平等州縣通融暫行代銷課銀仍照舊例徵收先足該州縣之引次及代銷富川賀縣之引應如該撫所議俟富川賀縣戶口殷繁仍照舊行銷

一康熙拾壹年伍月廣西巡撫馬雄鎮為題明鹽道職掌以專責成題稱粵西設復驛鹽一道誠以事屬通省故令駐劄梧州鹽艘咽喉之地實以專責成也則興革利弊亟宜詳議舉行夫鹽政既係道員專理則

額徵完欠及收貯起解悉惟該道是問似不必仍入
府庫致多轉折混淆應令該道收解責其完欠考成
是誠妥便其鹽船過廠盤查必憑印票查見行事例
商人赴東拆運領有部引經驗梧廠即將原引繳府
轉繳東省該府另給印票照銷各州縣但知府無考
核鄰府州縣之例恐致影射那移漫無稽查今鹽課
既專責鹽道似不便仍用府票查疏理鹽法久已歸
臣衙門據稱應於臣衙門給發空白印票該道照填
商名鹽數分由各路註明去止於以別徑道而杜越
境利攸往以遏私那其用過印票仍令季終彙繳核
其有無違錯亦惟該道之責庶職掌無紊責成有專
臣部覆

准查康熙伍年廣西巡撫金光祖稱該省鹽稅原在各府
納稅因盤查頭緒紛繁應歸梧州府廠徵收臣部覆
准在案今既設立驛鹽道應停其梧州府知府管理
責令鹽道專管



書畫齋

